

Wednesday, November 19, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

WORLD DAY AGAINST CHILD ABUSE

World Day Against Child Abuse pualin naupang venhimnaa a fawng chelhtute chu naupang venhimna kawnga tha an tih chak leh zual nan vawiin khan an thukhawm.

Vawiin hi World Day Against Child Abuse a ni a, he ni pual hian Women & Child Development hnuaiia Aizawl District Child Protection Unit buatsaihin SP conference Hall ah naupang venhimnaa a fawng chelhtu pawimawh zual District Child Protection Unit, Special Juvenile Police Unit, Child Welfare Committee leh Juvenile Justice Board a thawkte in hmuhkhawmna leh naupang venhimna Kawnga tha an tih chak leh zual nan Sensitization meeting an nei a ni.

He hun hi Addl. SP Pu Zoramthara chuan kaihruaiin, naupangte venhimna kawnga thawktu hrang hrang thutkhawm pawimawh a tih thu a sawi a, he hunah hian SP Pu Zosangliana, pawhin thusawiin, naupangte chu Mizoram hmalam hun an nih angin, an nuna harsatna an tawh te'n an hmalam hun a tihchhiat theih avangin an naupan laia tawhsual an tawh lohna tura venhim a pawimawh thu a sawi a ni. JJB Principal Magistrate Pi Lalhlansangi Fanai chuan Juvenile Justice Act hnuaiia Police tih tur hrang hrang te a zirtir bawk a, DCPO Pi R. Lalrinchhani chuan naupang venhimna kawnga thawktu hrang hrangte chu inlungrual taka thawh ho a pawimawh thu a sawi a, naupang leh an chhungkaw tana nelawm leh inhawng taka an awm thiam a pawimawh thu a sawi bawk.



YASHODA HOSPITALS

Hyderabad-a Yashoda Hospitals chuan Mizo mipuite insengso lo zawnga damdawi lama an inenkawl theih nan Mizoram Universal Healthcare Scheme (MUHCS) an zawm.

Vawiin khan Aizawl Press Club-a thuthar thehdarhtute kawmin, Yashoda Hospitals hotute chuan Mizoram mipuiten khawvel el pha hriselna lama inenkawlna tha an dawn ve theihna turin Mizoram Universal Healthcare Scheme (MUHCS) nen an thawk ho tih an sawi a, he thawhhona hnuaiiah hian MUHCS kaltlanga Yashoda Hospitals, Hyderabad a inentir te chuan cashless leh a thlawnin inenkawlna an dawng thei dawn a. Mizorama chengte tan Scheme hrang hrang : Mizorama sorkar hnathawk mek leh an chhungte tan kum khat chung a thlawn inenkawlna, Pensioner leh an chhungkaw tan kum 1 ah cheng nuai 12 chin leh General Category (GC) a awm chhungkua te chu kum 1 ah cheng nuai 85 chin te a huam a, hei bakah hian abika inenkawlna Specialist Care: Cardiology, Oncology, Neurology, Nephrology,

Pulmonology, Gastro Surgery, Orthopaedics, leh department thar tha tak tak te a huam bawk a ni.

Yashoda Hospitals chuan MUHCS a zawm atanga thla hmasa ber chhungin damlo atangin bepawp tu mi 200 chuang an dawng a, tunah hian Yashoda hospital chuan cancer enkawlina atana hmanraw tha MR-Linac hmangin Mizoram atanga damloenkawl hmasa ber turin a inbuatsaih mek a, cheng nuai 8 senso tur chu MUHCS hnuaiah a thlawna enkawl a ni dawn a ni.

Hei bakah hian Yashoda Hospitals chuan Mizoram atanga damlo kalte tan Airport atanga Damdawi in thleng in lam leh in thlah, damlo enkawl chhung zawnga puitu tur te a ngaihtuahdak thei dawn a, hei bakah hian Yashoda Hospital a damlo inenkawl te follow-up na tur Aizawlah OPD an hawng bawk a ni.

Byte : Yashoda Hospitals hotute

Yashoda Group of Hospitals, Hyderabad-ah hian Somajiguda, Secunderabad, Malakpet leh Hitech khawpuiah independent hospital 4 a awm a, damlo enkawlina tur khum 4000 a nei a ni.



GASTROENTERITIS

Siaha Addl District Magistrate chuan nimin khan Tui-hri nia hriat inkai chhawn awlsam tak natna leng thei laka fimkhur turin thuchhuah a siamin, District chhung ah khaw 5 te chu zin chhuah emaw khua ah November ni 18 atanga ni 24 chhung zin a khap.

Siaha Addl District Magistrate thuchhuah tarlan danin tunlai hian Siaha District huam chhunga khaw thenkhat, Tokalo, Bymari, Lodaw, Lopu leh Khaikhy khua te chu Tui-hri nia hriat inkai chhawn awlsam tak natna leng thei dinhmunah an din thu tarlangin He hri hi mihring hriselna leh nunna atan pawh a hlauhawm hle a. He hri leng mek hi ei leh in thianghlim lo leh hmun dang atanga mihring vei vak leh khualzin miten an put darh theih a nih thu sawiin, Siaha Dist mipui te he hri hlauhawm tak atanga anlo him zawk nan khuahkhirhna dan leh thupek chhuah a nih thu tarlangin, khaw 5 tarlan tlawh phal a nihloh bakah India ram ri kâna luh leh chhuah phal a ni lo a ti a, a khaw neitute pawh zin chhuah a khap tlat a nih thu sawiin Thupek zawm lo te chu hrem theih an nih thu tarlan a ni.



KAWIPUI JUNCTION

Tukin khan Minister Pu C Lalsawivunga chuan a bial chhung Republic Venga Kawipui junction siam that dan tur a hmunah enin, Engineer te leh khawtlang hruaituten an tawiawm.

Minister chuan junction chu kawng lun tak, mihring leh lirthei vei vak tamna, veng mipuite mai bakah zirna in hrang hrang pawhtu kawng pawimawh a ni a ti a, lirthei bakah ke a kalte himna tur leh traffic tawt lutuk tihziaawm nan siam that hi a pawimawh tih sawiin ruahmanna kal mek chu rang taka thawh a nih theih nan khawtlang hruaitute bakah a kaihnawih department te nen a hmunah hmalak dan tur an sawiho nghal a ni.



PM MODI

Prime Minister Narendra Modi chuan thla thar a Russia President Vladimir Putin-a'n India a lo tlawh tur chuan ram pahnih inlaichinna nghet zawka a siam ngei a beisei thu a sawi.

Nimin khan New Delhi Nikolai Patrushev nena an inkawm naah sawiin, Prime Minister Narendra Modi chuan thawhhona kawng a thil pawimawh tak tak an sawi dun dawn a ti a, inbiakpawhna, mahni kutkawih tih hmasawwna, tuipui a sumdawwna tih hmasawn te leh ram leilung humhalh kawng a hmasawwna tur a hmalak te an sawi dun a, December thlatir a India-Russia Summit neih tur a inbuatsaihna te an sawi dun bawk.

